



Ўзбекистон Совет Социалистик Республикаси Президентининг
ФАРМОНИ

Жумҳуриятда «Наврўз» умумхалқ байрамига тайёргарлик кўриш ва ўтказиш ҳақида

Жумҳуриятимизда инсоний қадриятларни янада камол топтириш, ўз-ўзига ишонч руҳи ва миллий ғурурни мустаҳкамлаш, дўстлик, биродарлик, ҳамжиҳатлик, меҳр-шафқатни улуғлаш, маданий ва тарихий анъаналарни давом эттириш ҳамда ривожлантириш, асрлар давомида шаклланган урф-одатлар ва удувларни эъзозлаш мақсадида «Наврўз» байрамини кенг нишонлаш юзасидан қуйидагилар амалга оширилсин:

1. Дам олиш кунини сифатида белгиланган 21 мартда ўтказиладиган «Наврўз» умумхалқ байрамига тайёргарлик ишлари бошлаб юборилсин. Бу байрамни ўтказишда 1990 йилда тўпланган ижобий тажрибаларни давом эттирган ҳолда тўла фойдаланилмаган имкониятлар ҳам ишга солинсин. Байрамга тайёргарлик кўриш ва ўтказиш тадбирларида жумҳуриятнинг ҳар бир фуқароси иштирок этиши ва ҳамжиҳатлик билан фаолият кўрсатиши талаб қилинади.

2. «Наврўз» умумхалқ байрамига тайёргарлик кўриш ва ўтказиш жумҳурият ташкилий қўмитаси тасдиқлансин.

3. Ҳар бир ташкилот, вазирликдан тортиб, Советлару маҳалла қўмиталаригача — ҳамма жойда байрамни ўтказиш ишларига жавобгарлик аниқ белгилаб қўйилсин. Жумҳурият ҳудудидаги корхоналар, муассасалар, жамоа ва давлат кўжаликлари, ширкатлар, жамоат ташкилотлари ўз имкониятларидан келиб чиқиб, байрам тадбирларини тегишли транспорт воситалари, озиқ-овқат маҳсулотлари, саннат моллари, тўй-ҳашам ашёлари билан таъминласинлар ҳамда сарф-харажатларни ўз зиммаларига олсинлар. Умумхалқ хайрия ҳаракатларида фаол иштирок этсинлар. Фуқароларнинг, жамоаларнинг «Наврўз» умумхалқ байрамини ўтказишдаги ташаббускорлигини қўллаб-қувватласинлар.

Байрам аҳолининг барча табақалари истак ва

хоҳишларига, ҳар бир жойнинг ўз шароитларига қараб ўтказилсин.

4. «Наврўз» умумхалқ байрами анъаналарига биноан, ҳар бир фуқарога иззат-иқром кўрсатилсин. Қариялар, болалар, беморлар, ногиронлар ҳолидан хабар олиш, бева-бечора ва боқувчисидан ажралганларга меҳр-шафқат кўрсатишга алоҳида эътибор берилсин.

Ўзбекистон Телевидение ва радиозинтириш давлат қўмитаси билан жамоат ташкилотлари, бадий жамоалар ўтказадиган хайрия узлуксиз кўрсатуви — телемарафон ҳар томонлама қўллаб-қувватлансин.

5. «Наврўз» байрамини ўтказиш борасида қўшни жумҳуриятлар билан дўстлик, ҳамкорлик ва маданий алоқалар янада кучайтирилсин. Ўзаро вакиллар юбориш, меҳмон қабул қилиш тадбирлари ишлаб чиқилсин.

6. Оммавий ахборот воситалари байрам ўтказиш жараёнини кенг ёритсинлар. Бу ишда журналистларнинг масъулияти оширилсин.

Қайси йўналишдаги ахборот воситасида бўлишдан қатъий назар, «Наврўз» умумхалқ байрамини ёритиш ягона ғоя — инсонни улуғлаш, миллий ғурурни кўтариш, ҳамжиҳатлик, биродарлик, меҳр-шафқат, тинч-тотувлик мақсадлари ва ғоялари билан йўғрилсин.

7. Байрамга тайёргарлик кўриш ва ўтказиш жумҳурият ташкилий қўмитасига байрам тадбирларида ташаббускор бўлган, фаоллик кўрсатган, фидокорона меҳнат ва ижод қилган кишиларни аниқлаш ҳамда рағбатлантириш ва тақдирлашга тавсия этиш топширилсин.

Ўзбекистон Совет Социалистик Республикасининг Президенти

И. КАРИМОВ.

Тошкент шаҳри,
1991 йил 12 февраль.



ДИҚҚАТ, ДИҚҚАТ!!!

26 ФЕВРАЛЬ

КУНИ:

БЕВОСИТА

МУЛОҚОТ

ЖУМҲУРИЯТ ички ишлар вазири ўринбосарлари билан ўзини ташвишлантираётган ёхуд қизиқтираётган масалалар ҳақида суҳбатлашиш истагини билдирган рўзномасеварларни бевоСИТА мулоқотга таклиф қиламиз.

Шу йил 26 ФЕВРАЛЬ, СЕШАНБА КУНИ кундуз соат 11 дан 13 гача

участка инспекторлари ҳақидаги саволларга милиция генерал-майори Ғафур Раҳимович Раҳимов жавоб беради (телефон № 33-16-29),

кадрлар масаласи бўйича фикр-мулоҳазаларни полковник Ҳикматилла Маматович Маматовга билдириш мумкин (телефон № 33-60-43),

ходимларни тарбиялаш, ижтимоий ва ҳуқуқий муҳофаза қилиш тўғрисидаги саволларга полковник Қурбон Боймуродович Боймуродовдан жавоб олиш мумкин (телефон № 33-78-24),

жамоат тартибини сақлаш юзасидан туғилган саволларга ички хизмат полковниги Эркин Норсодиқович Норғитов жавоб беради (телефон № 33-65-51).

Тошкент коди 8-371-2.

Телефонда алоқа боғлаш имконияти бўлмаган рўзномасеварлар саволларини 26 февралгача ёзма равишда манзилгоҳимизга жўнатишлари мумкин.

ЎЗБЕКИСТОН ССЖ ОЛИЙ КЕНГАШИНING НАВБАТДАН ТАШҚАРИ ТЎРТИНЧИ СЕССИЯСИДА

15 февраль кунини Тошкентда, Ўзбекистон ССЖ Олий Кенгашининг наватдан ташқари тўртинчи сессияси ўз ишини давом эттирди.

Сессияда бир қатор қонунлар, жумладан «Транспорт воситаларини олиб қочганлик учун жиноий жавобгарликни кучайтириш тўғрисида»ги, «Ўзбекистон ССЖ Президенти, Ўзбекистон ССЖ Олий Кенгашининг раиси ва Ўзбекистон ССЖ ви-

це-президентининг шаъни ва қадр-қимматини ҳимоя қилиш тўғрисида»ги қонунлар ҳам қабул қилинди.

Сессияда бошқа бир қанча масалалар ҳам кўриб чиқилди.

Сессия ишида Ўзбекистон ССЖ Президенти И. А. Каримов қатнашди ва муҳокама қилинаётган бир қанча масалалар юзасидан сўзга чинди.

«МАШИНА ОЛИБҚОЧАРЛАР УҚИШСИН»

ЖАЗО КУЧАЙТИРИЛДИ

«Икки оғиз суҳбат» саволларига жумҳурият ИИВ тергов бошқармаси бошлиғи ўринбосари милиция полковниги Кутбиддин Нуриддинович Бурхонов жавоб беради.

— Жумҳурият Олий Кенгашида қабул қилинган «Транспорт воситаларини олиб қочганлик учун жиноий жавобгарликни кучайтириш тўғрисида»ги қонуннинг ташаббускори ким?

— Қонун лойиҳаси жумҳуриятдаги барча ҳуқуқ-тартибот идоралари ва Олий Кенгашининг қонунчилик, қонунийлик ва ҳуқуқ-тартибот масалалари қўмитаси ҳамкорлигида тайёрланганди.

— Жазо чораларида қандай ўзгаришлар бор?

— Илгари машинани олиб-қочарларга нисбатан енгил чоралар қўлланарди. Жумладан, улар орасида бир

йилга ахлоқ тузатиш ишларига ҳукм қилиш ёхуд 100 сўм жарима солиш ҳам бор эди. Энди янги қонун асосида машина ўғрисининг шахсига, жиноятининг оғир-енгиллигига қараб 3 йилдан 5 йилгача, 5 йилдан 10 йилгача, 10 йилдан 15 йилгача озодликдан маҳрум этиш каби жазо чоралари кўрилади.

— Нима сабабдан жазо чоралари кучайтирилди?

— Пўписасифат жазо чоралари тўғрисида машина олибқочарлар беаза қовунининг уруғдай кўпайиб кетди. Биргина Тошкент шаҳрида шу йил бошидан бери 300 дан зиёд транспорт воситаси олиб қочилган. Жазо чоралари кучайганлиги ошонликча пул топиш ишқибозларининг ҳовурини тушириб қўйишга хизмат қилади.

Суҳбатдош
Ғайрат ЖҲҒА.

ЭГРИ ҚЎЛЛАР УШЛАНМОҚДА


Пештахталарнинг шийдамчилиги эгри қўллар кунини туғдирмоқда. Зарурат юзасидан дўкон ёки бозорга кирганлар ҳолатини қондирилмасдан уларга мурожаат қилишга мажбур бўлишди. Ленин тумани ИИБ БХСС ходимлари одам гавжум жойларга ни қурган чайқовчилар билан курашни кучайтиришмоқда. Халқ суди

аёллар калишини пуллаётган Карим Сотволдиевга 50 сўм, сигаретани устама нархда сотаётган Ксения Шия ва Виктория Фёдороваларга 100 сўм, болалар пайпогидан фойда кўрмоқчи бўлган Саломат Умаровага 100 сўм жарима солди.

БХСС ходимлари 1400 қути «Родопи» сигаретасини чайқов нархда сотаётган

фуқаро А. ни Қорасув бозорида қўлга олишди. Ҳозир тергов ҳаракатлари олиб борилмоқда.

СУРАТДА: (чапдан ўнгга) оператив вакиллар милиция катта лейтенантлари А. Зайнутдинов ва Б. Раҳимбоевлар чайқовчидан олинган сигаретани кўздан кечиришмоқда. Х. БОҚИЕВ олган сураатлар.



Қонунларимиз ўта инсонпарвар. Жазони белгилаш вақтида жиноятчининг ёши, турмуши, соғлиги ва шунга ўхшаш кўплаб жиҳатлари ҳисобга олиндики, баъзан ана шундай кўнгилчанлигимиз жиноятларнинг қундан-қунга болалаб кетаётганига сабабчмасмикан, деб ўйлаб қоласан киши.

1974 йили туғилган Рустам Акрамовга илгари ЎзССЖ ЖМнинг 125-моддаси 2-қисми билан 3 йил қамоқ жазоси белгиланиб, ёшлиги сабаб ҳукм ижроси 2 йилга кечиктирилган эди. У Янгийўл шаҳар ИИБ балоғатга етмаганлар билан ишлаш инспекцияси ҳисобида турарди.

1975 йилда туғилган Рустам Манабоев ҳам муқаддам давлат мулкани ўғирлаганлиги ва бошқа тартиббузарликлари учун рўйхатга олинган эди.

Энди уларнинг кейинги қилмишлари ҳақида сўз юритсак.

1990 йил апрель ойидан октябрь ойигача Чиноз ва Янгийўл шаҳарларида улар атрофига ўзлари каби балоғатга етмаган ёшларни йиғиб, уюшган гуруҳ ҳолда содир этган жиноятлари сони 19 тани ташкил этади.

Яна шулар ҳам аниқландики, воёга етмаган жиноятчиларнинг ота-онаси бўла туриб, бирортаси ўз фарзандларининг нега мактабга қатнамаётганлиги билан қизиқ-

маган, ҳисобга олган ИИБ балоғатга етмаганлар билан ишлаш инспекцияси бирон-бир арзигулик иш олиб бормаган.

Р. Акрамовнинг онаси ҳеч қерда ишламаганига яраша ўғли Рустамнинг ҳам тарбияси билан шуғулланишга вақт ажрата олмаган.

Ҳар биримиз жавобгар

Р. Манабоевнинг доимий спиртли ичимликлар ичиб, наркотик моддалар истеъмол қилиши на отаси «Труд» ширкати ишчиси Рашид Манабоевни, на онаси уй бекаси Людмила Манабоевани қизиқтирган. Ваҳоланки, суд-тиббий экспертизаси хулосасига кўра у тиббий даволанишга муҳтож.

1975 йилда туғилган Умид Дўсмоновнинг 1988 йили уйдан қочиб кетганлиги, ҳеч кимнинг назорати йўқлигидан наркотик моддаларга ружу қўйганлиги отаси «Меҳнатчи» ширкати қурувчиси Худойберди Дўсмоновни, онаси Янгийўл тумани «Коммунизм» колхози ветеринария врачлари Нурхон Кумаковани заррача ташвишга солмаган. Умид ҳам даволанишга муҳтож.

1975 йилда туғилган Сергей Бадуров 8-синфни тугатиб, отасининг маст ҳолда уйда сабабсиз жанжал-тўполонидан безор бўлиб уйдан кетиб қолган. Кўп қаватли уйлар ертўлаларида ўзига ўхшаш Манабоев, Богдановлар билан тунаб юриб, жиноят йўлига кириб кетган.

Эҳтимол, Тошкент шаҳридаги «Медик» меҳмонхонасида ишлаётган онаси Ольга Бадурованинг вақти «меҳмонларга» хизмат кўрсатишдан ортамаётгандирки, фарзанди тарбиясига вақт топса.

Фарҳод Қорабоев 1975 йилда туғилган, ўрта мактабнинг 8-синфда ўқиб юрганида сабабсиз машғулотларга қатнашмаган, ҳеч кимга қулоқ солмаган. 9-синфга ўтиб бутунлай мактабга қатнашни йиғиштириб қўйган. Отаси Ғанижон Қорабоев Янгийўл шаҳар умумий овқатланиш трестиди ҳайдовчи бўлиб ишлайди, онаси уй-рўзгор ишлари билан банд.

1976 йилда туғилган Сергей Богдановнинг ҳам тенгқурларидан фарқ қиладиган томонлари кам. Отаси Равил

Богданов 8-сонли гишт заводида ишчи бўлиб ишлайди, онаси Лилия Богданова уй-рўзгор юмушларидан ортмайди.

Бу жиний гуруҳнинг қатнашчилари Алексей Брилев, И. Тоғаймуродов, Владимир Кимларнинг ҳам таржимаи ҳоллари ҳавас қиларлик даражада эмас.

Юқорида ота-оналарнинг исм-шарифлари, иш жойлари тўлиқ берилганлиги бежиз эмас. Чунки фарзанд тарбияси билан шуғулланиш уларнинг энг муқаддас бурчларидир. Улар тақдири учун қайғуриш, ахлоқ-одоби учун масъулиятини ҳеч ким, ҳеч қачон улардан соқит қилмайди. Уйда ахлоқи бузилиб, маънавий дунёсига шикаст етган шахсга қўлланган қонуний чора-тадбирлар анча кеч бўлади. Бундай адашган ёшларни тўғри йўлга солишда ота-оналар, мактабнинг, воёга етмаганлар билан ишлаш инспекциялари, маҳалла қўмиталари аҳли билан биргаликда мунтазам иш олиб боришлари керак. Болаларнинг бўш вақтларини мазмунли ўтказишни оқилона ташкил этишимиз лозим. Ҳар бир ёшга алоҳида ёндашиш керак. Катталар, унутмангизки, уларнинг тақдирига ҳар биримиз жавобгар.

ИСАҚУЛ УСМОНОВ,
Тошкент вилояти ИИБ тергов бўлими бошлиғи ўринбосари, милиция полковниги.

ЙИРТҚИЧЛИК

Тонготарга яқин Пабло Неруда кўчасидаги 9/3-уй олдида икки кишининг мурдаси топилди. Уларнинг кўрак ва бошларида ўқотар қуролдан етказилган жароҳатлар бор эди. Жиний ҳаттиҳаракат қурбонларининг шахси аниқланиб, 32 ёшли М. Музаффаров ва 30 ёшли Л. Петровлар қотилини қидириш юзасидан шошилинч қўрилган чоралар ўз самарасини берди.

Бухоро тўқимачилик комбинатига қарашли ҳарбийлашган қўриқчилик ўқчили 27 ёшли У. Баҳром ва газ саноати техникуми толиби 24 ёшли С. Алексей ушланди. Жиноятчиларни тинтиш чоғида 16-тигил қўшотар қирқма миллиқ ва пичоқ чиқди.

Излар совумасдан бурун ўтказилган дастлабки сўроқ 12 февралга ўтар кечаси бу икки ёш одабийлик қиёфасидан ажралиб, ваҳший йиртқичга айланганини кўрсатди. Улар шу кун 9/1-уй яқинида худди чумчуқ овига чиққандек заррача сесканмасдан ўқ отиб, 22 ёшли О. Ежов ва 24 ёшли Р. Зокировларни ўлдиришган, жасадларни эса каналга улоқтиришган. Бундан ташқари яраланган ҳайвондай қўтурган У. Баҳром 37 ёшли Н. Лакомкина бада-нига уч марта пичоқ суқиб олган.

УЧ ОЙЛИК СИР

13 февраль кун 12 ларда пойтахтимизнинг Куйбишев тумани ИИБ-га ранги синиқ аёл кириб келди. Унинг дарди ичиди экан. 39 ёшли Д. Наталья титраган овозда салкам уч ойдан буён ичини зилдай эзиб келаётган сирни тўкиб солди. Маълум бўлишича, у ўтган йили 22 ноябрь кун 12 ларда норасмий ёстиқдоши А. Маҳмуд билан ўғай онаси Л. Шусткановани «тинчитиб», мурдани сандиққа солишди ва юз берган фожияни яширишгагина қодир Қорасува ташлаб юборишди. Сув остини текшириш Натальянинг гапларини тасдиқлаб, кампирнинг ўлиги жойлаштирилган сандиқ топилди.

Ҳозир тергов ҳаракатлари бораётганлиги муносабати билан айбланувчиларнинг исм-шарифлари ўзгартириб берилди.

Ғ. ЖҲРАЕВ.

ПОЙЛОҚЧИГА МУҲТОЖ ҚОРОВУЛЛАР

Шаҳар ва туман ИИБлари ҳузуридаги соқчилик бўлимлари таркибида ёлланиб ишловчи қоровуллар кўпчиликини ташкил этади. Уларнинг аксарияти кекса кишилар, аёллар ва ҳатто ногиронлар. Агар кечалари постларни текшириб кўрадиган бўлсангиз, уларнинг ўз хоналарига кириб, эшикни ичкаридан қулфлаб олганларига гувоҳ бўласиз. Нега? Чунки аслида уларнинг ўзлари муҳим бир халқ хўжалиги объектини қўриқлашга қодир эмас, балки хавфли вазият юзага келганда ўзлари ёрдамга муҳтожлик сезади.

Бундай посбонлар эса нияти қора, қўли эгри кимсалар учун жуда маъқул. Ҳеч нарсдан тап тормай давлат мулкани ўмариб кетаверишади. Кўраёписизми, давлат мулкига тажовуз қилиш кўпайиб борапти, деган даъволарнинг манбаи қаерда!

Хўш, нима учун юрагида ўти, билагида кучи бор, тоғни урса талқон қилгудек йигитлар қоровулликка жалб этилмайдилар? Ўзингиз ўйлаб кўринг, ана шундай йигитларнинг бир этак болачақаси бор. Қоровуллик учун бериладиган 75 сўм маош етадими? Йўқ. Шунинг учун кексалар ва аёллар ҳанузгача, ҳатто улардан самара кутилмаса ҳам, ишга қабул қилинапти.

Айтмоқчиманки, ёлланма қоровуллар маошини кескин ошириш керак. Шундагина давлат ва жамоат мулки ишончли кишилар томонидан кўз қорачугидек асралади.

С. БЕКМУРОДОВ,
Ангрен шаҳар ИИБ ҳузуридаги соқчилик бўлими катта инспектори, милиция капитани.



Йўл азобини ҳар хил қийинчиликларга қиёслашди. Кошқийди бугун узоқ манзилга отланган йўловчини сафар ма-

шаққатларига кутса. Фирбгарлар, товламачилар, қиморбозлар ва ўғирлар уларнинг орасидаги соддадиллар, эҳти-

ётсизлар чўнтагини қоқлашга ҳаракат қилишади.

Транспортдаги милиция ходимлари зиммасига сафар бехатар ўтиши, юз берган жиноятларни фож этиш юклатилган. Шодибек Иноятов ички ишларда 17 йиллик тажрибага эга. Бу вақт ичиди бошидан нимапарни кечирмади дейсиз. Кўролли жиноятчини қўлга олиш, боласини йўқотганларга кўмаклашиш, кекса йўловчи чиптали бўлиши учун ара-лашиш...

Ҳаммасини санаб улғуриб бўлмайди. Бунга фақат сершовқин темир йўл бекатларидаги ички ишлар бўлимида хизмат қилаётганлар яхши билишади.

СУРАТДА: Темир йўлнинг «Шимол» бекатидаги ички ишлар бўлими навбатчиси милиция майори Озодбек Иноятов.

Александр КОШКИН
суратга олган.

Биз қўйида таништирмақчи бўлганлар ғоят эътиборли, иш жойларида ҳам, яшаш жойларида ҳам яхшигина ҳурматга сазовор кишилар. Шундай экан, нега... таништирмақчи, деган саволни беришингиз табиий. Лекин мақоламизни сўнгги нуқтасига чидам билан ўқиб чиқсангиз, саволнингизга жавоб топасиз.

Наманган шаҳар озиқ-овқат савдоси идорасига қарашли 71, 32, 95-дўконлар мудирлари Ғайбулло Нишонов, Аҳадхон Отахонов ва Боситхон Турсуновлар ўзаро тил бириктирдилар. Ёнларига 2523-автоколоннага қарашли «Зил-130» белгилли «84-13 НАГ» рақамли машина ҳайдовчиси Ҳошимжон Нажмиддиновни олдилар. Мақсад ва фикр бир жойдан чиқиб, Учқўрғон дон маҳсулотлари комбинатидан шаҳар аҳолисига 3—4 октябрь кунлари сотиш учун 3333 қоп ёки 149 минг 985 килограмм биринчи навли ун олдилар. Таниш бошланди. Аммо негадир ун ортилган машина шаҳар чегарасига етиб келмай, Наманган туманидаги «Партия XXII съезди» жамоа хўжалигига бурилди. 13-бригада бошлиғи, ҳурматли пахтакор Собиржон Иброҳимов, 15-бригада ҳисобчиси Жўраҳўжа Адашевлар ёрдамида жамоа хўжалигининг 9, 11, 12, 13, 14, 15-бригадалари аъзоларига

ва 3-болалар боғчаси ходимларига ун қопи билан сотила бошланди.

Бунга кўрган ҳар бир инсон пахтакорлар «ғамини еган» бу шоввозларга минг бор ташаккур изҳор қилиши аниқ. Аммо... Учала дўкон мудирлари ҳайдовчи Ҳошимжонга қопи 11 сўм 70 тийинлик унни 15 сўмдан сотасан, дейишди. Ҳошимжон ҳам анойилардан эмас, ўз навбатида бригадир Собиржон акага ҳар бир қопни 16 сўмдан пуллаб берасиз, деб

учун олиб келинган уннинг сурштириб қолганини кўзиди тугитиб, озиқ-овқат савдоси идорасига қарашли 18-ва 68-дўконларда сотилиши лозим бўлган 594 қоп ун келтирилди, аҳолига сотилди, деб ҳужжатлаштирилди. Аммо бу унни аҳоли эмас, ҳатто шу дўконда ишловчилар ҳам кўришмади. Булар кимни алдашди, кимнинг ризқини қиймоқчи бўлишди? Бунга, албатта, тергов аниқлайди, ҳозирча улар бу саволга:

«УН ОПЕРАЦИЯСИ»

шарт қўйди. Шундай қилиб, жами 1657 қоп ёки 74465 килограмм ун Собиржон Иброҳимов орқали пулланди. Ҳайдовчи дўкон мудирларига 25500 сўм пул тутқазди.

«Ун операцияси»да 71-дўкон мудирлари Ғайбулло Нишонов 2003 сўм, 32-дўкон мудирлари Аҳадхон Отахонов 1667 сўм «соф фойда» кўришди. Ҳайдовчи Ҳошим Нажмиддиновга эса нақд 1000 сўм тегди.

Қисқаси «операция» аъло даражада бажарилиди. Табиийки, бу Ғайбулло Нишонов билан Боситхон Турсуновларнинг иштаҳасини қарнай қилиб юборди. Лекин «ўзингиз» эҳтиёт қил, қўшнингизни ўғри тутма. Шаҳар аҳолиси

— Ўйламай шундай қилиб қўйибмиз, — деб жавоб қилишди.

Бу ённи эшитинг. Ҳайдовчи билан бригадир Собиржон Иброҳимов ва ҳисобчи Жўраҳўжа Адашевлар ўртасида 1228 сўм пул муаллақ бўлиб қолди. Сабаби ҳайдовчи қўлга олинди. Иккиси пул ҳайдовчига тегишли де-моқда, у эса бундан ҳозирча тониб турбди. Аммо бригада етакчиси, яъни раҳбар, қолаверса коммунист ўз ҳамқардошларининг ҳалол, пешона тери эвазига топган маблағига чанг солишгани тўғрисида ўз вақтида тегишли жойга хабар бермагани кўпчиликини ажаблантирмақда...

Неъматжон МАМАЖОНОВ,
милиция майори.

ТЕРГАЛМАГАН ЭРКАТОЙ

НУРОБОД шаҳрида истиқомат қилувчи В. Баранов тунги соат 3 ларда совуқ қотиб бошлана сўраганларга эшикни очаркан, қимматбаҳо буюмларидан айрилиши, устига-устак катта миқдорда пул бериши лозимлиги тушига ҳам кириб чиқмаганди.

Унинг-ку совуқ қотганларга жони ачиди, лекин улар бошига уриб, қўл-оёғини боғлаб, устига кўрпа ёпиб кетишганда қилча раҳмлари келмагани алам қиларкан одамга.

Советобод тумани ИИБга келган бу хабар оператив гуруҳни оёққа турғазди. Иккинчи кун қўлга олинган жиноятчиларнинг бири айбига иккунор бўлиш билан бирга шерикларини ҳам айтиб берди.

Афсусланарлиси шундаки, улар 20—25 ёшли, ўзига тўқ оилаларнинг фарзандлари бўлиб, сира тергалмаган, ҳатто бирининг онаси ўғирланган молларни яшириб қўйиб, қайтаришга тўқинлик қилган.

Шу тумanning Сазагам қишлоғи ўқитувчиси Д. Турдикулова янги йилни ота-онаси бағрида ўтказиш ниятида Жума шаҳрига болалари билан кетаркан, қайтишида уйини эшик, деразалари синдирилган, ҳар хил буюм ва вуллар ўғирланиб, ҳаммаёқ алғов-далғов бўлиб ётган ҳолда кўришни ҳаёлига ҳам келтирмаган бўлса керак.

Ўғирликда гумон қилиниб, Ф. ва А. исми йигитлар ушланди. Милиция ходимларининг саволларига жавоб бера олмаган йигитлар қилмишларига иккунор бўлишиб, ўғирланган молларни топиб беришди.

М. ҚУРБОНБОВ,
милиция майори.



Жиноят қидарув хизмати ички ишлар идораларидаги энг оғир участкалардан бири. Айниқса, бугунги ҳуқуқий давлат қуриш учун бораётган кураш жараёнида бу хизмат вакилларининг масъулияти янада ошди.

Керак бўлса тонгни тунга, тунни яна тонга улашга тайёр улар. Қандай қилиб бўлса ҳам, ситамкорни зарарсизлантириш ва жабр-дийданинг дардига малҳам бўлиш лозим. Бунга эса ўз-ўзидан эришиб бўлмайди.

Ана шу нуқтан назардан қараганда Тош-

кент шаҳри Киров тумани ИИБ изқуварларининг ҳаракатлари диққатга сазовор бўлмоқда.

СУРАТДА: (чапдан ўнгга) жиноят қидирув бўлини маси катта оператив вакили, милиция лейтенанти Фарҳод Азизов, шу бўлини бош-лигининг ўринбосари, милиция капитани Фаттоҳ Имомгулов ва оператив вакил, милиция лейтенанти Собир Эргашевлар жиноятни фош этиш борасида ўзаро фикр алмашмоқдалар.

Суратни **Х. БОҚИЕВ** олган.

ТАЖОВУЗ

Ўтган йилнинг 2 март кунин Тошкент тумани ИИБ навбатчи қисмида телефон жиринглади.

— Алло, навбатчи эшитади.

— ТошМИ клиникасидан бевозта қилаяпмиз. Ҳозиргина бир йигитни олиб келишди. Номаълум шахслар ўқ отиб, қаттиқ ярашлаган.

— Гапира оладими?

— Йўқ, кўп қон йўқотган.

Милиция ходимлари зудлик билан шифохонага йўл олишди. Лекин барибир кечикишди. Чуқурсой кўчасида истиқомат қилувчи Саидакмал Содиков мангу уйқўга кетган экан.

Гувоҳларнинг кўрсатма беришларича, Тошкент халқа йўли бўйлаб келаётган Саидакмалнинг М 5107 ТШ рақамли «ВАЗ-2106» белгили машинасининг мотори қизиб кетади. У бир оз дам олиш мақсадида Тошкент тумани ҳудудидаги темир йўл кўприги остида тўх-

тайди. Орадан кўп ўтмай юзига ниқоб тортган 6 нафар кимса пайдо бўлади. Қирқма милтиқдан ўқ отиб, эндигина 25 ёшни қоралаган Саидакмални жароҳатлайдилар ва машинани олиб қочишди.

Бор маълумот ана шулардан иборат.

Мазкур жиноятни очиш ва Саидакмал қотилларини қўлга олиш ИИБ жиноят қидирув хизмати бошлиғи, милиция капитани Ҳожиакбар Чиналмев ва катта оператив вакил, милиция капитани Шавкат Мўминовлар зиммасига юклатилди.

Орадан уч кун ўтган, марҳумнинг машинаси «Ленин йўли» жамоа ҳўжалиги ҳудудидаги тутзордан топилиди. Жиноятчилар уни ёқиб юборишган

экан. Яна ҳеч қандай из қолмаган.

Шубҳаланган кишилар билан ўтказилган мулоқотлар, изланишлар, текширишлар бесамара кетмади. Декабрь ойида жиноятчиларнинг 4 нафари ушланди. Ҳозир 1967 йилда Акмал Икромов туманида туғилган Фарҳод Сайдалиев, келеслик уч йигит — 1967 йилда туғилган Шухрат Холмиров, 1968 йилда туғилган Абдор Ҳамидуллаев, 1961 йилда туғилган Темур Фозиловлар иши юзасидан тергов олиб борилмоқда.

Жиноятнинг қолган икки иштирокчиси — келеслик 1967 йилда туғилган Расулхўжа Саидов ва 1966 йилда туғилган Равил Фасхудиновларни қидириш давом этапти.

Р. УСМОНОВ,
С. СИДДИҚОВ.

ИККИ СЎМ УЧУН УЧ ЮЗ СЎМ ЖАРИМА

«Виждон биз эга бўлган ҳамма китоблар ичида энг доно китобдир, унга тез-тез нигоҳ ташлаб турмоқ керак».

В. ПАСКАЛЬ.

Агар йўлингиз тушиб, бирор савдо идорасига бориб қолсангиз, албатта «Хурмат тахтасини», унда кулимсираб турган илғорлар суратини учратасиз.

Савдо ходимлари орасида биронинг ҳақиқа-хиёнат қилишдан ор этадиган кишилар оз эмас. Аммо халқ ибораси билан айтганда, шולי курмаксиз бўлмайди.

1961 йилда Бўстонлиқ туманида туғилган, Қўшқўрғон матлубот жамиятига қарашли 35-дўкон сотувчиси Мавжуда Йўлдошева кўрган одам қўй оғзидан чўп олмайдиган аёл бўлса керак, деб тахмин қилади.

Мавжуда ўтган йилнинг 15 июнь кунин харидор Исмоновга баҳоси 10 сўм турадиган «Столичная» ароғидан 4 шишасини 42 сўмга пуллади. Икки сўм учун ўзи ҳақидаги яхши тасаввур иморатини нуратди.

Бўстонлиқ туман халқ суди 10 август кунин фуқаро Мавжуда Йўлдошева томонидан содир этилган қондабуз-зарлиқни атрофлича кўриб чинди.

ЎзССР жиний ишни кўриш мажмуасининг 279 ва 294-моддаларига асосланган ҳолда халқ суди ҳукм чиқарди.

«...Йўлдошева Мавжуда Султонбоевна ЎзССР жинийт мажмуаси 177-моддаси биринчи қисми билан айбдор деб топилиши ва уч юз сўм жарима қилиниши...»

Ҳукмдан норози томон 10 кун ичида Тошкент вилоят судига мурожаат қилишга ҳақли».

Маҳкам ҲАКИМОВ.

У ўрта мактабни битиргандан кейин билим юртида ҳам таҳсил кўрган. Қўлида гулдек ҳунари бор. Лекин касбини хор, фарзандларини отабзор қилиб, чайков бозоридан бери келмай қўйди. Топганини ароққа, сўнгра нашага, охир-оқибат қора дорига сарфлашни одат қилди. Одамийлик қиёфасини йўқотди. Йигирма ёшга тўлмай номуздан бели букчайган хотини Ашхободдек шаҳри азимга сиғмай қолди.

— Бу ердан кетайлик, даси?

Доридан сархуш Қақажон шу гапни эшитгач, ғазабга миниб, рафиқасини калтакларди.

Лекин бу гал уни дўппосламади. Индамай чиқиб кетди, Тошкент поездига иккита билет олиб келди. Хотин эри инсофга келганидан суюнди. Бироқ Қақажон Режепов Ашхобода бугун-эрта қўлга тушишини сезиб қолганди.

Улар Тошкентга келиб, Бойсув кўчасидаги 19-уйга жойлашиб олишди. 25 ёшга кириб, ҳали бирор жойда ишламаган Қақажон яна чайковга ўзини урди. Ошнолар орттирди. Шулардан бири одамларнинг пулини ўмарш ҳисобига кун кўриб юрган ашаддий ўғри Борис Миронов эди. Унга қора дорининг ҳар граммни 50 сўмдан хуфёна пуллади. Л. Бадалова билан бозорда танишди. Икки грамм афюнни Лобархонга 100 сўмга сотди. Хар грамм заҳар учун у Н. Гоглаевдан ҳам 50 сўмдан пулни қўрдай санаб олди. Бу заққумга баъзи иродасиз ёшларни ўргатиш жараёнида Қақажоннинг ўзи ҳам тариядхўрлик домига тушиб қолган эди.

Мана, у ўз уйида бошини ерга гурс-гурс уриб, фарёд чекапти. Ички ишлар ходимлари орқасидан тушгач,

бозори касод бўлган. Ўзига ўзи укол қилиш учун ҳам бирор томчи дориси қолмаган эди.

— Дўзах азобидан қутқаз мени, хотин!

— Қандай қутқазай, даси?

— Ернинг остидан, бўлса ҳам топ.

— Қандай, ўзимни сотайми?

Қақажон тўлғанишдан тўхтаб хотинига тикилди. Ҳамон ўша-ўша, гўзал. Фақат пешонасида битта чизик пай-

синфда ўқишарди. Қиз шофёрлик касбини танлаган иккинчи бир йигитга кўнгил берди. Раиснинг ўғли бўлган димоғдор синфдоши муҳаббатини эса рад этди. Севишганлар турмуш қуришиб, бир фарзанд кўришгач, негадир қишлоқдан сирли равишда гойиб бўлишди, чўл қувгани кетишган, деб эшитдик.

Тасодифни кўрингки, ўша жувонни жумҳуриятдаги наркологик диспансерлардан бирининг олдида учратиб қолдим.

ят чуқур бир уф тортиб менга ўтирилди:

— Майли юрагимни бўшатай. Ёзмоқчи бўлсангиз, лоақал турар-жой ва исм-шарифларимизни тилга олмасликка сўз беринг.

— Ваъда бераман.

— Бу сирни шу малъун ва эр-хотин учовимиздан бўлак ҳеч ким билмасди. Ушанда ҳўжайиним шофёр, мен фермада ишлардим. Бу қуруқ эса дадасининг ёрдамида автоинспектор бўлиб олди. Тўйдан кейинги иккинчи

қилмади. Биз пулни тўйга сарфлаб...

— Йўқ, — чўрт кесди собиқ синфдош, — пул ё...

— Хўш, нима ё?

— Ўзинг бир оқшом мен билан...

— Аблаҳ! — дедиму орқага бурилдим. Уйга келгач ҳўнграб йиғлаб юбордим. Бир ҳафта қарахт бўлиб юрдим. Нима қилиш керак? Бошқа иложим йўқ эди. Балки ўша оқшомдан кейин уни бир умр кўрмасман.

...Ғира-шира тонг қоронғусида шу ифлос уйдан остона ҳатлаб қўрқа-писа ташқарига чиқдим. Чикдим-у, қаршимда турган сояни кўриб ҳайкалдек қотиб қолдим. Бу эрим эди. Олдин йиқилдимми ёки тарсакидан кейин кулаб тушдимми, бунисини билмайман. Ўзимга келганимда умр йўлдошим бошимни кўксига босганича унсиз йиғлаб ўтирарди.

Эртаси кунёқ одамларнинг кўзини шамғалат қилиб қишлоқдан чиқиб кетдик.

Жувон кўз ёшларини артиб, ҳикоясига яқун ясади:

— Эрим мени кечирди, аммо мен мана бу ҳаромхўр беномусни сира-сира кечиролмайман. У менинг тиниқ номусим ойнасига доғ суркаб кетди. Пул қутуртирди уни. Ароқ ичди, наша чекди. Охири қорадори уни жаҳаннам қазрига итқитди.

Ҳа, аёл севгисидан қудратли, унинг ғазабидан даҳшатли куч оламда йўқ. Афсуски баъзи тариядхўрлар қора дорининг бир томчиси учун шу соф муҳаббат эгаларини ҳам бозорга олиб чиқмоқчи бўладилар. Аёл аслида олам мукамаллиги ва ранг-баранглигидир. Эҳ, Қақажон, қопки сен буни тушуна олсанг эди.

Абдулла НУРИМОВ,
Тўхтамурод ТОШЕВ.

Эҳ, Қақажон, ҚАҚАЖОН!



до бўлибди.

— Майли, хотин, нима қилсанг қил-у, лекин бир томчигина топ, — деб юборди эр инграб.

Хотин олдинига ток ургандек ҳангу манг қолди. Сўнгра ҳўнграганича хонага чиқиб кетди.

Эҳ, Қақажон, Қақажон, наҳотки эркаклик ориятини ҳам шу афюнга қўшиб ютиб юборган бўлсанг? Эртага сени қамашади. Қайтиб ҳам келарсан. Ана ўшанда номусини шу заҳар-заққумга алмаштиришга мажбур қилмоқчи бўлган жуфти ҳалолнинг юзига қайси кўз билан қарайсан?

Ушбу сатрлар муаллифларидан бири яқин ўтмишда рўй берган севги ва худбинлик ўртасидаги шафқатсиз жанг даҳшатларидан яна бирининг гувоҳидир.

...Уларнинг учови ҳам бир

— Ие, нима қилиб юрибсиз бу ерда? — деб ҳайратомуз берилган саволга жувон қовоқ уйиб жавоб берди:

— Бир ифлоснинг юзига тушургани келдим.

Шу пайт диспансердан икки милиция ходими етагиди бир норғул йигит чиқиб келди. Жувон ўрнидан турди. Йигит эса бир зум тўхтаб, унга тикилди-да, ўшқирди:

— Хей юзи қора, агар шу бугуноқ икки-уч ампула топиб, яширин менга етказмасанг, сирни очиб, шармандаю-шармисор қиламан.

— Қўрқитма мени, ифлос! — жувоннинг жаҳлдан юзлари оқариб кетди, — эрим ҳаммасини билади. Сен ва сенга ўхшаганларга тупурдим энди. Туфу!!!

Милиционерлар йигитни туртиб, гапиргани қўймай олиб кетишди. Жувон анчагача ўзини босолмади, ниҳо-

ҳафтада эрим тасодифан бир болани босиб кетди. Қишлоқ йўлларида фақат шу муттаҳам навбатчилик қиларди. Акт тузди. Ишни терговга оширмоқчи бўлди. Ўртага одам қўйди. Жуда катта пул сўрабди.

Эрим қўриқиб ишга ҳам чиқмай қўйди. Уни жуда севардим. Ниҳоят иложини топгандек бўлдим. Ахир кечанига мактабда бирга ўқирдик, у ҳам мени севарди. Оёғига бош урсам, йўқ демас, ахир, ёрдам берар, деб ўйлардим.

Шу қарор билан қишлоқ йўлига чиқдим. У мени кўриб, қўлидаги ола таёгини уйнатганича олдимга келди.

— Эҳ-ҳа, жиноятчи ўз хотинларини ўртага қўйибдиларда, деди совуқ ишшайиб, — хўш, нима демоқчилар?

— Кечир уни. Атайлаб

Парда бўлгани яхши

Муҳарририятимизга келган мактублардан бири менинг диққатимни тортди. Унда кўтарилган масала ҳар биримизни бефарқ қолдирмас керак.

«... Бир дўстим билан Янгийўл шаҳрини айланиб юриб, «Пушкин боғи»дан чиқиб қолдик.

— Қодир ака, шу боғ ичида видеосалон бор, юринг киримиз, — деб таклиф қилди дўстим.

Эшик олдида 2-3 та ёш-ёш йигитларга ошнам пул берди. Қанчалигини сўрашга истиҳол қилдим. Фильм бошланган экан. Залда одам кўп. Кўзим қоронғиликка ўргангач, разм солсам 10-13 ёшлардаги болалар талайгина. Экранда эса намоёни этилиётган фильмининг қанчалар беҳаё эканлигини айтгани тилим бормайди. Пулини тўласа бўлди, ёшми, қарими кириб кўраверарканда. Ишонмаганларни Янгийўл шаҳар «Пушкин боғи» ичида биллард зали билан бир том остида жойлашган видеосалонга киришларини таклиф этардим.

Ҳа, бундай ва шунга ўхшаш зўравонлиқни, беҳаёликни тарғиб этувчи фильмлар аввал яширинча кўйилган бўлса, ҳозир ёш-қарига видеосалон эшиги ланг очик. Уларнинг устидан ҳеч қандай назорат ўрнатилмагани ҳам сир эмас.


Баловатга етмаганлар орасида жиноятнинг ўсиб кетиши ҳам ана шундай «санъат асар»лари маҳсулидир. Ҳали онги тўла шаклланиб улгурмаган ўсмирларни маънавий шикастлаш шунчалар осонки, наҳот бу ҳеч кимни қизиқтирмаса.

Менимча, болаларни оммавий равишда мажруҳ қилиш йўли билан орттирилаётган текин даромад пайини қирқиш вақти келди.

Нафақат видеосалонлардаги, ҳатто телевизор орқали берилаётган ахлоқсиз кўрсатув ва бадий фильмларни чеклаш лозим. Бу ҳусусда муштарийлар ҳам ўз фикрларини билдирарлар.

М. ИСРОИЛОВА.

ТИЛ ВА ДИЛ



Шукроналар бўлсинки, қайта қуриш ва ошқоралик туфайли бизнинг жумҳурият ҳудудида ҳам талай ўзгаришлар юз берди. Ана шулардан бири 1989 йилнинг 21 октябрида қабул қилинган «Ўзбекистон Совет Социалистик Жумҳуриятининг Давлат тили ҳақида»ги қонундир.

Узоқ тортишув ва баҳслардан сўнг юзага келган Қонуни очигини айтсак, фуқароларимиз дилидаги муддаоларни ифодалай олди.

Хўш, унинг ижроси қандай? Бу саволга мазкур суратлар қисман жавоб берар деган умиддамиз.

Кўча-куйда кўзга ташлана-

диган лавҳаларга назар солсангиз, қонун қабул қилинмасдан олдинги давр давом этаётганлигини ҳис этасиз.

СУРАТЛАРДА: бир йилдан жўпроқ вақт амал қилаётган қонунга ҳурматсизлик кўринишлари.

Ҳабибулла ШОДИЕВ олган суратлар.



ХАТЛАРДАН САТРЛАР

Менинг отам Абдуллаев Тешабой 30 йил милицияда хизмат вазифасини ҳалол бажарди. Афсуски, 62 ёшида юрак хуружидан оламдан кўз юмди.

Дастлаб туман ички ишлар бўлимида, сўнгра ДАНда меҳнат қилиб, 55 ёшида нафақага чиққандилар.

Ҳозир, ҳар сафар «Постда» рўзномасини кўлимга олар эканман, гўёки отамни қайта

кўргандек энтикиб кетаман. Бу рўзнома тикланганидан жуда мамнунман. Сизларга хайрли ишларингизда омад, ижодларингизга барака тилайман.

ЗУҲРА ТЕШАБОЙ ҚИЗИ.
Ақмал Икромов тумани,
Тарбия кўчаси, 56-уй.

Мен «Постда» рўзномасининг домий ўқувчисиман. Унда берилаётган ҳар бир ма-

қолани катта қизиқиш билан кузатиб бораман.

Ҳозирги кунда чайқовчилик болалаб кетган. Уларга кўрилатган чоралар эса деярли сезилмайди. Кўпинча сигарет, шампунь, атторлик ва бошқа буюмларни очик сотаётган чайқовчиларни милиция ходимлари кўриб кўрмаганликка олишадим. Нега шундай!

А. ЮНУСОВА,
Асака шаҳри.

М. ФИЁСОВ



Тошкент шаҳар ички ишлар бошқармаси давлат автомобиль назорияти бошқармаси (ДАНБ)нинг йўл-патруль хизмати инспектори, милиция катта сержанти Маҳаматжон Раҳматович ФИЁСОВ шу йил 15 февралга ўтар кечаси хизмат бурчини ўтаётиб ҳалок бўлди.

Эндигина 32 баҳорни қаршилаш арафасида турган Маҳаматжон Фиёсов юрт тинчлигини кўриқловчилар сафига 1979 йили келиб қўшилганди. Бундан тўрт йил бурун эса милиционерлик хизматини давлат автомобиль назориятида давом эттира бошлади.

Шу муддат ичида у ўзининг тиришқоқлиги, интизоми ва вазифасига виждонан ёндошиши билан ажралиб турди, бир неча марта раҳбарлик томонидан рағбатлантирилди, ҳамкасблари ўртасида катта обрў ва ҳурмат-эътибор қозонганди.

Тошкент шаҳар ИИБ ДАНБ шахсий таркиби ҳамкасбларидан жудо бўлгани учун қаттиқ қайғу чекмоқда, унинг қариндошлари ва яқинларига чуқур ҳамдардлик билдиради.

ТЎҚНАШУВ

Фазогирлар шоҳкўчасидаги воқеани ҳар кун юз бераётган ўнлаб йўл-транспорт ҳодисаларининг бири сифатида изоҳлаб бўлмайди. Эл қайғусидаги посбонлар борлиги учун осуда уйқуга чўлган шаҳарнинг қоқ марказида жасорат ва номардлик, садоқат ва разиллик тўқнашди...

12 февраль кунини Маҳаматжон Фиёсов яқинлари даврасида туғилган кунини нишонлади. Тўкин дастурхон атрофида эзгу тилаклар билдираётган дўстлари, қариндош-уруғлари орадан уч кун ўтмасдан Маҳаматжон аччиқ қисмат қурбони бўлишини хаёлларига ҳам келтиришмаган.

У йўл-патруль хизмати инспекторлари гуруҳи ичида Фазогирлар кўчасида навбатчиликка тушди. Ярим тунда қатнов сийраклашиб қолгани учун катта тезликда келаётган машинага диққатини қаратди. М. Фиёсов қондабузарга тўхташ кераклиги ҳақида ишора қилди, лекин ҳайдовчи тезликни камайтирмасдан машинани унга қарата ҳайдади. Кучли зарбага учраган ДАН ходими йўлда қолаверди, машина эса кўздан ғойиб бўлди.

Номард ҳайдовчи кўп ўтмасдан қўлга олинди. У илгари судланган Ш. Миржомолов бўлиб, рулни қаттиқ маст ҳолатда бошқарган экан. Ароқнинг кучи билан бўлса керак, ушлаш чоғида қаршилик ҳам кўрсатди. Одил суд унга қилмишига яраша жазосини беради, албатта. Лекин бу оғир жудалик ўрнини босолмайдиган Оилада тўрт норасида меҳрибон отасиз ва ёш жувон суюкли ёстиқдошсиз қолди, ҳамкасблар эса ишончли сафдошдан ажралишди.

Эзгулик ва ёвузлик тўқнашди. Бурчига содиқ Маҳаматжон шахид кетди. Унинг тўқилган муқаддас қони бошқаларни бурчга садоқат билан хизмат қилишга чорлаб туради. Шунинг учун ҳам унинг порлоқ хотираси ИИБ ходимлари қалбида абадий қолади.

— Туринг, суд келяпти. Бу сўзларни эшитаркан, Тўлқиннинг бадани жимирлаб кетди. Кўз олдида хотини, икки фарзанди нари кетмади. Шу кунлар ичида улар ҳақида ҳар қачонгидан ҳам кўп ўйлади. Сўнгсиз, чувалашиб кетган ўйлари унинг жуссасини кичрайтириб, кўзларини мунгли кўрсатади. Кассир бўлиб ишлаган кунларига ич-ичидан лаънатлар ёғдиради.

Неча йил беришаркин? Нигоҳларида умид билан суд ҳайъатига боқади. Унинг енгиллик илинжида маъносиз боқинишлари киши кўнглида раҳм-шафқат уйғотади. Лекин ҳали 30 ёшга тўлиб улгурмаган навқирон йигитнинг қилмишларини баён қилаётган ҳакамларга қўлоқ тутайликчи, чиндан ҳам шундаймикан?

...Судланувчи Тўлқин Маҳмудов 1987 йил июнь ойидан Наманган вилоят соғлиқни сақлаш бошқармасида кассир бўлиб ишлаб туриб, ишчилар ҳақиға хиёнат қилиб борган. Аввал ҳар ойига «майда харажатлари» учун 1.500 сўмдан ўмариб турган.

1990 йилнинг март ойида ойлик иш ҳақи ва бошқа харажатлар учун банкдан 70.000 сўм пулни олиб номалум тарафга кетиб қолган. Шу ерда бир оз чекин-ниш қилсак.

Шуниси ажабланарлики, Т. Маҳмудов банкдан катта миқдордаги пулни олишга ҳеч қандай кузатувчисиз, ёлғиз ўзи борган.

Тергов жараёнидаги таф-

тиш ўтказиш кассада 118.586 сўм 19 тийин ўрнига 60 тийингина қолдиқ қолганини аниқлади.

Яна ҳакамларга қўлоқ тутамиз. Айбдор Т. Маҳмудов давлатнинг катта миқдордаги пулини Новосибирск, Красноярск, Омск, Кемерово ва бошқа шаҳарларда айшу-ишрат йўлида совиради. Бели оғримганининг нон ейишини кўр, деганларидек, М. Меренковага 12.000 сўм, В. Калининга 10.000 сўм, 2.000 сўмлик тўлла тақинчоқлар,

Чириган дарахт

Т. Углановага 1.200 сўмлик чет эл магнитофони, 1000 сўмлик зеб-зийнат буюмлари совға қилади.

Тагин ҳам Т. Маҳмудов бир вилоятнинг оддий кассири экан, агарда бирор-бир банкнинг ёки жамғарманинг хўжайини бўлиб қўрсатади, хотамтойлиги тутиб бу шаҳарлар «суюқоёқларини» тақинчоқларга кўмиб юборармиди?

Тергов давомида унинг яна бир ишқибозлиги маълум бўлди. Қандай деб сўрарсиз. Бу шоввоз маҳаллий «гардкамчи»ларни писанд қилмай, Новосибирск шаҳрига бориб қимор ўйнаб, беш сўммас, ўн сўммас, 36.000 сўм пул ютқазган. Ўзига ма-

ош тайинлаган, давлат пулини ўзиники деб билган Тўлқинбой картани пуфлаб-куфлаб, сеҳрлаб очаётганида, ходимларнинг навбатдаги иш ҳақларига умид боғлагандир.

Қўлоқ тутинглар, суд ҳукми ўқилмоқда. Суд ҳайъати муқаддам судланмаганлигини, қилмишига пушаймон эканлигини, келтирган зарарининг бир қисми қопланганлигини ҳисобга олиб, ЎзССЖ жиноят мажмуасига кўра ўн йил озодликдан ма-

рум қилиш билан бирга мол-мулкни давлат фойдасига мусодара қилиш, вилоят соғлиқни сақлаш бошқармаси фойдасига Т. Маҳмудовдан 90.676 сўм 22 тийин ундиришни зарур деб топди.

Суд ишни атрофлича ўрганиб, ушбу ташкилот бош ҳисобчисини ўз ишига совуққонлиги, хизмат вазифасига ўта бепарво муносабатда бўлганлиги туфайли жиноий жавобгарликка тортди.

Суд ҳукми ўқилди. Айбдор жазосини олди. Лекин уч йил давомида шундай катта даргоҳда давлатнинг минг-минглаб маблағи кўнка совирилса-ю, бу билан ҳеч кимнинг заррача иши бўл-

маса, Кассада бирор марта тафтиш ишлари ўтказилмаганлиги, кириш ва чиқим харажатлари на бош ҳисобчиси, на раҳбарлики ва на бошқа жавобгар шахсларни қизиқтирмаганлиги таассуфлидир. Бир сафар бу амалдорларнинг биронтасига камроқ маош берилганда эди, шу заҳотиёқ текшир-текширнинг кети узилмасди.

Вақтинчалик ўз кайф-сафосини ўйлаган пулнинг қули енгилган аёлларнинг қош қоқишларига эс-ҳушини йўқотиб, уйда йўллариға кўзлари тўрт бўлиб ўтирган хотини ва болаларини ҳам унутиб қўйган.

Зиммасида ҳеч қандай назоратни, жавобгарлиқни сезмаган, бунга қадар масъул ишларда ишлаб кўрмаган Т. Маҳмудов босар-тусарини билмай, турли айш-ишратларга берилиб, ҳатто қимор ўйнаш даражасига бориб етган.

Шу ерга етганда ҳақли савол туғилади. Россия шаҳарларига саёҳат қилган бу бойваччанинг бир неча кунлаб, ҳафталаб ишга келмаганлигидан наҳот ҳеч ким хабардор бўлмаган? Ахир, у чумоли эмаски, йўқлиги билинмаса. Унинг сабабини суриштирадиган, тартибга чақирадиган бирор мард топилмагандирки, бу номаъқулчиликлар бошқа жиноят сари етаклаган. Қайси богда парваршиш, нобоп бўлса, дарахти завол топаверади.

Муҳаббат ИБРОХИМОВА,
«Постда» мухбири.

Муҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Қўмитаси нашриётининг Меҳнат Қизил Байроқ ордени босмаҳонаси. 700083, Тошкент, Ленинград кўчаси, 32.

Телефонлар: Муҳаррир — 32-38-86,

муҳаррир ўринбосари — 39-77-23,

37-23, 46-56 (ички).

«ПОСТДА» —

(«НА ПОСТУ»)

Орган коллегии МВД

ЎзССР

Рўзнома офсет усулида, А-3 қолипида босилган. Бўғуртама № 4910.

1 2 3 4 5 6 7 8 9 10 11 12.

Индекс: 64615.